

U G O V O R BROJ: 17-14-31155-12
o nabavci materijala, izradi i ugradnji prozorske stolarije

G.D. „KONSTRUKCIJE“ d.o.o. Mostar, ul. Kočine br. 198, 88 000 Mostar, ID broj: 4227007660005, zastupan po direktoru Isić Emiru, (u daljem tekstu Izvođač)

i

KANTON SARAJEVO STRUČNA SLUŽBA ZA ZAJEDNIČKE POSLOVE, ulica Reisa Džemaludina Čauševića br. 1, ID broj: 4200667410006, zastupana po načelniku Jašarević Fikret, (u daljem tekstu Naručilac) sklapaju:

Član 1.

Ovim ugovorom ugovorne strane utvrđuju prava i obaveze vezana za nabavku materijala, izradu i ugradnju prozorske stolarije, u skladu sa ponudom broj: 30-10-110-01/17 od 30.10.2017. godine, zaprimljenom pod brojem: 17-14-32463 od 03.11.2017. godine, dostavljene po pozivu za ponudom za nabavku materijala, izradu i ugradnju prozorske stolarije.

Izvođač se obavezuje izvršiti radove iz stava 1. ovog člana Naručiocu, a Naručilac platiti iste prema odredbama ovog ugovora, a u skladu sa cijenama koje su date u gore navedenoj ponudi, koja je sastavni dio ovog Ugovora.

Član 2.

Izvođač se obavezuje da će isporuku prozora i ugradnju istih iz tačke 1. ovog Ugovora izvršiti na **“Centralnoj zgradi Kantona Sarajevo” u ul. Reisa Džemaludina Čauševića 1.**

Član 3.

Nabavka materijala, izrada i ugradnja prozorske stolarije iz ovog Ugovora obaviti će se po cijenama i kvalitetu prihvaćenim u ponudi, zaprimljenoj pod brojem: **17-14-32463 od 03.11.2017. godine.**

Ukupna cijena za nabavku materijala, izradu i ugradnju prozorske stolarije po ovom Ugovoru iznosi:

1. Cijena bez PDV-a	18.199,02 KM
2. Popust 2%	363,98 KM
3. Ukupna cijena sa popustom bez PDV-a	17.835,04 KM
4. PDV	3.031,96 KM

Ukupna cijena sa PDV-om..... 20.867,00 KM.

Član 4.

Obim radova iskazan u tački 1. ovog Ugovora, obuhvata:

- demontaža postojeće drvene vanjske stolarije (vanjski prozori), iznošenje van objekta, te utovar i odvoz na deponiju,
- izrada i ugradnja nove stolarije prema opisu i predmjeru (Prilog 2),
- izrada i ugradnja vanjskih aluminijskih klupica,
- građevinska obrada unutrašnjih špaleta poslije ugradnje sa djelimičnim bojenjem zidova oko prozora u bijelu boju,
- održavanje u garantnom roku.

Član 5.

Izvođač daje garanciju na kvalitet izvedenih radova u trajanju od minimalno 1 (jedne) godine od dana izvršene primopredaje ili tehničkog prijema, a za ugrađeni materijal u trajanju po garantnom roku proizvođača.

Za sav ugrađeni materijal, Izvođač je dužan Naručiocu, pri primopredaji radova, dostaviti garantne listove proizvođača.

Član 6.

U slučaju naknadne pojave nedostataka u kvalitetu izvedenih radova, a u okviru ugovorenog garantnog roka, Izvođač je dužan da u roku od 24 (dvadesetčetiri) sata po pozivu Naručioca pristupi njihovom otklanjanju i iste odmah otkloni o svom trošku.

Član 7.

Izvođač je kod izvođenja radova odgovoran za:

1. sprovođenje mjera tehničke zaštite pri radu na objektu,
2. sigurnost objekta i stvari u njemu za vrijeme izvođenja radova,
3. sigurnost i zaštitu ljudi, stvari i susjednih objekata i prostora, a u pogledu mogućih posljedica uzrokovanih izvođenjem radova.

Član 8.

Konačan obračun radova i ispostavljanje fakture će se izvršiti najdalje u roku od 5 /pet/ dana, po izvršenom tehničkom prijemu ili primopredaji ugovorenih radova.

Član 9.

Sastavni dio ovog ugovora je Odluka o izboru najpovoljnijeg ponuđača broj: **17-14-31155-07/17 od 14.11.2017. godine**, i ponuda broj: **30-10-110-01/17 od 30.10.2017. godine**, zaprimljene pod brojem: **17-14-32463 od 03.11.2017. godine**, kroz koju je navedena specifikacija radova koja je predmet ovog Ugovora.

Član 10.

Naručilac se obavezuje platiti fakturu izvođaču u roku od **7 dana (slovima: sedam dana)** od dana prijema fakture.

Član 11.

Ugovorne strane su saglasne da će sve izmjene i dopune ovog ugovora regulisati dodatnim ugovorom, uz provođenje Zakonom o javnim nabavkama (Službeni glasnik BiH 39/14) utvrđenih procedura.

Član 12.

Ovaj ugovor se počinje **primjenjivati danom potpisivanja i vrijedi do momenta ugradnje i tehničkog prijema prozorske stolarije.**

Član 13.

Ugovorne strane mogu jednostrano otkazati ugovor pismenim putem sa otkaznim rokom od 15 dana.

Član 14.

Za sve sporove koje ugovorne strane ne budu mogle riješiti sporazumno, prihvataju nadležnost Suda u Sarajevu.

Član 15.

Ovaj ugovor sačinjen je u 4 istovjetna primjerka od kojih po dva primjerka pripadaju svakoj ugovornoj strani.

IZVOĐAČ:


**G.D. „KONSTRUKCIJE“ d.o.o.
MOSTAR**



Broj: 00-1582/17
Sarajevo, 30.11.2017 godine.

NARUČILAC:

KANTON SARAJEVO
Stručna služba za zajedničke poslove



Broj: 17-14-31155-12
Sarajevo, 23-11-2017 godine